

新修慶陽府志卷之三十二

仙釋

二氏之教蔓延中國幾與吾道埒故徃徃有元踪隱跡駭人聽聞者人方震而異之以為何神奇若此雖日與言濂洛關閩之新傳其庸有劣乎舊志有仙釋一類寥寥數人以父老相傳不可刪而弗錄也志仙釋

張果老 縣東七十里有洞相傳昔日隱居煉丹處見真寧志

慶陽府志

卷之三十二

仙釋

一

苑花女 真寧人縣東七十里有苑花女洞

皇甫真人 真寧人列仙傳載之

妙道真人王本預 景田人世居三河年八十有五鶴髮童顏行不策杖忽召弟子曰吾將逝矣於是齋戒沐浴端座談笑頌曰勞苦生涯蕭條活計九九餘年超凡脫世頌畢羽化時中統建元初保和觀有碑

詹道人 慶陽羣牧所軍一日採藥賀蘭山陰遇神人授之禪學久之默有所悟出言成文唱詠亦有佳趣遊方至慶陽修復普照寺人入寺從牖窺見護法泥

神起立聽道人計畫明日緣事應答如響羣人驚異
助工建寺工完遍辭官民告去異日坐化有人從數
百里來見道人南去相與立語莫知其終

清然 河南通許人自幼辭家為僧戒行精嚴正德
初游入合水子午山樂其地僻人朴遂久隱於此能
乾汞成銀以作功德修環山寺及興教寺

完顏喬真人 雪山鳳林人遇呂仙示以神仙脩煉之
方排五色石以象五行後期年復遇賜火棗食之遺
烏兔海蟾四字了然頓悟能見吉凶知禍福後昇化

慶陽府志

卷之三十三

仙釋

二

於寧州玉泉觀元初邑人王志貴撰碑今存

梁志通 山西介休人號達元子生至元丙子間慕道
來秦終於玉泉觀時或遇之長安灞橋與使客傳鑰
封烟霞無為真人

趙野雲 元季道士自號野雲由慶陽雲遊嘗簪柏朶
插祐德觀中倏忽不見柏朶竟成參霄之材人以為
神翁復來云

邵道人 蜀人至慶陽年七十餘道人常不言凡所欲
言頤指色授館於鐘樓街築土被衲無晝夜露坐郡

中子弟爭禮事之能治病令病者張目噫氣即可活居十餘年一日謂諸弟子曰吾將逝矣時夜半屋脊隱隱有霹靂聲若金戈鐵馬狀諸弟子震懾伏地天明起眎則道人死矣

趙

仙

羨姿容善談論周濟貧乏施財不匱然入其室無他囊橐衾枕而已慶陽人怪之咸稱為趙仙時兵部侍郎陳震方為諸生聞而往見未至趙避去謂主人曰明日慶陽陳生來善待之勿令入吾室震至不見趙求入其室而返明日趙至素曰吾囑汝勿令人挽留之不可竟莫知所之

陳入吾室乃令入焉吾弗可以居矣遂辭主人而行無名僧 崇正間有合水庠生李正方於城東福嚴寺遇一異僧撫其背曰好根行難逃劫數初不解及末年城陷生為賊所得不屈而死蓋亦高僧之能有先見者今李氏子孫皆言之